

增補辨證錄

附胎產秘書

卷二

上海大成書局印行

臨證醫案傷寒辨證錄卷二

山陰陳士鐸敬之甫號遠公又號朱華子著述
會稽陶式玉尚白甫號存齋又號
參訂

中風門

人有入室向火一邊熱而一邊寒遂致左頰出汗偶爾出戶為賊風所襲覺右頰拘急口喎於右人以為中風之症也而余以為非中風也乃向火而火逼其熱以併於一邊耳若作風治而中實無風和其氣血而佐之以解火之味則火平而喎斜自正也方用和血息火湯升麻一錢當歸五錢黃芪三錢防風三分秦光一錢白芷五分桂枝三分天花粉二錢甘草一錢麥冬三錢玄參五錢水煎服一劑輕二劑而喎斜正矣方中以補血補氣為先而佐輔之藥多用陽明之味者何居蓋陽明之脉起於鼻交於頰中循鼻外入上齒中是兩頰與齒正陽明之部位也升麻白芷乃陽明經藥也故用之以引入於齒頰而秦光能開口喎防風能散風邪桂枝實表而固營衛與歸芪麥冬同用是善通經絡而活臟腑使真有風邪亦於何處存活矧原無大風之犯不過些小之風乎自然效應如桴鼓也

此症亦可用

當歸炒梔子生地各三錢烏藥防風白芷各三分半夏一錢黃芪茯苓各一錢白芍五錢秦光一錢水煎服

人有久痢之後一旦昏仆手撒眼瞪小便自遺汗大出不止喉作拽鋸之聲人以為中風之症也而余獨以為不然蓋此病乃下多亡陰陰虛而陽暴絕也本不可救然急灸其氣海之穴而陽氣得續亦有生者雖無陽氣回而不用補氣之藥陽氣隨回而隨絕也方用獨參湯人參三兩附子三分煎湯灌之而人不死矣夫氣海之穴前與丹田相通乃生氣之原也故灸之而陽回非助之以人參則氣回於無何有之鄉而不能生生於無盡徒為接續又何益乎此人參所以為奪命之藥歟

此症亦可用參木加桂湯
人參二兩白朮二兩肉桂一錢水煎灌服

火病以
寒力升
取效
難是火
通氣
血由氣
所致故
以歸芪
為升佐
以右邊
清氣上
自除邪

世人中
風多是
脾氣虛
寒故一
作風治
重耗胃
氣胃虛
而脾益
虛為得
而不死
乎

中風以可全論公猶之於居之於由
風微執也症之少鬱肝多旺肝風
治此不之論遠者木得者木得

流涎身如蟲行搔起白屑人以為中風之症已成也誰知是脾氣之不足乎凡人後天全藉飲食之補益若飲食過多反傷脾氣何能受益况酒能散人真氣少飲則益多飲則損日日貪杯臟腑之間無非糟粕之氣欲真氣之無傷得手故體軟筋弛脾虛不能運也痰涎加盛脾虛不能化也腿膝拘痛脾虛不能行也口噤語澁脾虛氣難接也頭目暈重脾虛氣難升也至於流涎起屑一則脾虛而不能攝一則脾虛而不能潤也以上諸症總皆脾氣虧損之故方用六君子湯加味治之人參五錢白朮一兩甘草一錢半夏二錢陳皮五分附子三分茯苓三錢連服十劑而愈六君子湯常補脾氣之藥也而又兼善治痰涎非加入附子則不能走經絡而通血脉或疑白朮太多不知白朮健脾而更善去濕多用始能利腰膺而升陽氣則陽不下陷而脾得建其運化之功也

此症用參朮去

濕湯亦妙

人參白朮各五錢甘草半夏附子各一錢
山藥一兩薏仁三錢砂仁三粒水煎服

人有怒後吐痰胸滿作痛服四物二陳之湯加芩連枳壳之類杳無一應更加祛風之味反致半身不遂筋漸攣縮四肢痿軟日晡益甚內熱口乾形體倦怠人以為風中於腑也誰知是鬱怒未解肝氣未舒所致本無風症治風而反為風藥所損損氣傷血以成似中風之病也治法必須仍解其鬱怒而佐之補氣補血之劑益陰益精之味庶幾可救耳方用舒怒益陰湯熟地一兩當歸五錢茯苓二錢甘草五分白芍一兩陳皮五分麥冬三錢丹皮三錢柴胡一錢白朮二錢人參一錢水煎服十劑而筋不攣縮矣再十劑而四肢不痿軟矣後純用六味湯大劑煎飲二月而半身皆遂矣此方即逍遙散加味者也用參熟麥丹於逍遙散中實有妙義蓋逍遙散為解鬱之聖藥鬱散而得補則補始有功而方中全在用白芍至一兩以平肝氣肝平則木不剋土而土有生氣況又有健脾開胃之品以輔佐而相成所以能反敗為功也

此症用加減道

遙散亦效

柴胡二錢 白芍五錢 白朮當歸生地各三錢
甘草炒梔子半夏各一錢 青皮五分 水煎服

此方因
土條而
推廣之
也治之
最佳不
至病止
治至也

人有懷抱鬱結筋脈骨痛喉間似有一核結住不下服烏藥順氣散等藥口眼歪斜兩臂不能伸舉痰涎愈甚
內熱肺熱人以為偏枯之漸也誰知是肝木之不舒乎夫木最喜水木鬱則耗水矣水耗而木更難舒木既
不舒而木中之火又安得而舒乎自然木來尅土而脾胃兩傷脾熱胃燥內自生風而現風象正不必外來
之風人始見歪斜之症也治法自必補脾胃之土矣然而徒補脾胃之氣而肝來尅土脾胃仍不舒也必須
攄肝以扶脾胃之為得耳方用舒木生土湯白芍五錢茯苓三錢山藥一錢生棗仁二錢遠志一錢甘草五
分白朮三錢熟地五錢鬱金一錢人參一錢麥冬二錢當歸二錢玄參三錢水煎服此方心脾胃肺肝腎兼
治之藥也何以謂之舒木生土湯不知方中雖是兼治之藥而實為專治肝經也治心者不耗肝氣也治腎
者所以生肝也治肺者使其不來尅肝也治脾胃者使其不來仇肝也故用羣藥無非滋肝以舒木木舒矣
而脾胃有不得其天者乎此舒木生土之名實有微意耳

此症用疏木
飲亦佳

柴胡薄荷甘草蒼朮白芥子各一錢白芍五錢
茯苓三錢丹皮生地各二錢青皮五分水煎服

有人一時猝倒口吐痰涎發狂號叫自坐自起自立自行目不識人身中發斑數日後變成瘡瘍者此謂真正
中風蓋其元氣未虛一時為風邪所中正氣既盛而邪氣又不弱正與邪相戰兩不肯負於是而痰涎生
於是而狂叫起心中如焚立坐不安行止不定目不識人內熱既盛必出內而發於外故紅斑燦爛於皮膚
火毒難消於肌肉因變為瘡為癰譬如人家門戶既牢主伯亞旅又健突來強盜劈門而入兩相格鬥因而
火攻焚殺反成焦頭爛額之傷矣治法不必助正而惟事祛邪掃蕩賊風而正氣已安方用掃風湯荆芥五
錢防風三錢半夏三錢陳皮一錢天花粉一錢五分茯苓三錢黃芩二錢蘇葉一錢水煎服一劑而狂定二
劑而痰消三劑而斑化瘡癰亦尋愈矣此等之症萬人中生一者也人亦不知是中風之真症吾獨表而出
之使人知真中風之如此而類中風可照症而治之也

此症用排風
飲殊效

木自生
風補水
而風枯
木知之

氣虛以
中風多
有之治
風成之
肢體之
不仁者
醫病過
從無一
悟者悔
風藥之
欠多也
手豈不
痛

大黃酒煮三錢丹皮五錢甘草防風天麻天南星各一錢
參一兩柴胡三錢黃芩蘇葉荆芥各二錢當歸三錢水煎服

人有素多內熱一旦顛仆目不識人左手不仁人以為中風之症誰知此乃腎水不足以養肝肝木太燥木自
生風而自仆非真中風也若作風治鮮不立亡即作氣虛治亦陽旺而陰愈消非恰中病情之法必須仍補
腎水以生肝木則木得其養而左手之不仁可以復愈方用六味地黃湯加味治之熟地一兩山茱萸五錢
山藥四錢茯苓三錢丹皮三錢澤瀉一錢白芍一兩當歸五錢白芥子三錢柴胡一錢水煎服一劑而目能
識人四劑而手知痛癢十劑全愈矣夫六味地黃丸料非治中風之藥也今用之以滋其腎水又用芍藥當
歸以平其肝木柴胡白芥子以疏通肝氣而消其兩脇之痰水足而木自條達痰去而氣自流通內熱頗除
外體自適亦何至左手之不遂哉

此症用潤燥丹亦效
熟地二兩白芍一兩柴胡五分天花粉三錢水煎服

人有身忽自倒不能言語口角流涎右手不仁肌膚不知痛癢人以為氣虛而中風也夫氣虛則有之而中風
則未也此病乃心氣既虛不能行氣於胃而胃氣又虛則胃自生熱蒸其津液結為痰涎壅塞隧道不能行
氣於心即堵截其神氣出入之竅故神明昏亂神明無主則舌縱難言廉泉穴開而口角故流涎沫也一身
能運者全藉氣以行之今氣既大虛不能行於四肢則手自不仁右手者尤氣之所屬也氣不能行於肌膚
則痛癢不知矣此等之症若作風治未有不死者則於補氣之中加入祛風之藥亦止苟延性命必成半肢
之風症矣故半肢之風皆錯治中風而成之也治法宜用六君子湯加入附子治之人參一兩白朮二兩黃
芪二兩半夏三錢茯苓五錢甘草一錢附子一錢陳皮一錢水煎服一劑而出聲二劑而痰涎收一連十劑
而前症盡愈夫參苓朮補氣之聖藥也加入附子則將軍有威令通達於諸經之內豈獨心胃相通使痰
涎之不壅塞乎所以奏功之能神也

此症用釋躁

湯亦佳

玄參一兩荆芥三錢天花粉三錢甘草一錢陳
皮五分茯苓三錢當歸附子各三分水煎服

理氣以治風而無風息而治風必其氣中風也真氣必其氣中風也真氣必其氣中風也

虛脫絕中風要得清

有人無故身倒肉跳心驚口不能言手不能動足不能行痰聲如鼾惟雙目能動者人以為因痰而中風也嗟乎此痰病而非中風也天下怪病多生於痰而痰病多成於濕痰濕結而不散往往有見鬼神而猝倒者此病之無故身倒亦其一也醫士不知為痰濕之氣見其倒而即呼為中風悞矣然則治此病不治痰而治風適足以招風而生變即不治風而惟治痰亦不能消痰而弭災必須大補其氣血氣旺而痰自化血盛而痰自去也方用十全大補湯人參五錢黃芪一兩當歸五錢白芍三錢茯苓五錢白朮五錢甘草一錢熟地一兩川芎二錢肉桂二錢水煎服一劑而口能言二劑而心驚肉跳者止三劑而鼾聲息十劑而手能動足能行矣又二十劑而氣血重旺一如無病之人此等之症世人皆以風治多致債事苟不治風而惟治氣血之虛斷不至變生不測者也或謂補虛則風自出用十全大補之湯而能愈中風者是也誰知類中風之病絕無風也非必補虛而風始出耳

此症用扶傾湯亦妙

人參當歸茯苓各五錢半夏二錢附子破故綿各一錢黃芪麥冬各一兩砂仁三粒白朮五錢水煎服

有人一時猝倒痰涎壅塞汗如雨出手足懈弛不收口不能言囊縮小便自遺人以為中風急症誰知是陰陽兩脫乎此至危之病刻不可緩生死在反掌之間也若作風治下口立亡必須用三生飲救之人參二兩生附子一枚生天南星五錢生半夏三錢水煎服一劑而囊縮伸小便止再劑而口乃能言矣始可別用湯劑也世人疑三生飲過於猛烈不知病來其暴非此等斬關奪門之藥何能直入臟腑而追其散失之元陽故必投於人參數兩之中始可奪命於須臾也否則斬關而關不能開奪門而門不得進惟是關門既開而前藥又不可再用另用人參一兩白朮二兩茯苓五錢當歸一兩熟地一兩山茱萸五錢麥冬一兩半夏三錢水煎服方名濟急丹連服二劑而元氣日旺虛汗不流手足可以運動而無離痰之憂也譬如破城而守內無糧草則士有飢色今關門大開輟輪挽運而入者皆糗糧米穀則倉庫既實兵馬有飽騰之氣賊自望風而飛遁矣倘仍用附子南星之屬未免過於酷烈民已歸誠而猶用虎賁之士過城搜糧其損傷元氣不又多

乎妙在不用附子南星而反用當歸熟地山茱萸麥冬資陰之品蓋從前斬關奪門之時未免斬殺太甚槍却無遺臟腑必有焦枯之苦今一旦得資財接濟真不啻恩膏之賜矣

此症用救脫

飲亦甚效

人參一兩白朮二兩附子一錢乾薑半夏各三錢貝母一錢水煎服

怪病多生於痰而一治痰風不除故不自除治也原風得真

偏枯之症多成於治中風之醫可勝慨

有人口眼喎斜身欲顛仆腹中鳴如囊裏漿之聲人以為此中風之症內有水濕之氣也而余以為不然夫水濕之氣由於脾氣之虛也脾氣不能運化乎水而水乃停積不化下不能行必湧而上行矣於是湧於頭而作暈湧於口眼而為喎斜水氣既在於上則頭重而足輕故身欲顛仆有似乎中風而實非中風也方用分水止鳴湯人參五錢白朮一兩車前子三錢茯苓一兩肉桂一錢半夏三錢水煎服連服四劑腹中之鳴止而口眼亦平復矣此等之症原無風之可祛故不必祛風單健其脾土之氣而土勝自能制水又虞徒消其膀胱之水恐水冷不化又補其命門之水以生脾土則土有先天之氣益足以制其後天之狂瀾大地陽回而溪澗之水無非春氣薰蒸則膀胱不寒尤能雪消冰解而無阻隔之嘆下河疏通而上游又何患壅塞而成泛濫之害哉或曰口眼喎斜實係風症安在水氣而能使之然也不知水寒則成冰凍口眼處於頭面之間一邊吹寒風而成喎斜似乎中風然而風在外而不在內也風既在外不入於腠理之中何必加祛風之劑哉

此症亦可用米芩加桂湯亦效

白米茯苓各一兩肉桂三錢水煎服

有人猝倒之後致半身不遂人以為中風而成偏枯也誰知因治中風而成偏枯乎夫中風之症萬人中而間生一二者也豈可因一時猝倒即認作中風而治風乎此中原無風邪因氣虛而猝倒大用補氣之藥而少佐以消痰之味焉有成偏枯之症乎惟其過於祛風以耗其氣必至右身之不遂或過用祛風以耗其血必至左身之不遂矣夫猝倒之時本正氣之不能主宰也乃不補氣而轉虛其氣欲氣之周遍於身何可得乎天下至誤者謂中風有中經中絡中臟中腑之分也自此言出世遂信風初中絡不可引之入經風既中經

風熱無
人關發
今發明
無道何
難治何
症之症

亡陽有
中風有
破無入
道亦無

也今反用風藥以治無風之症安得不開其腠理哉腠理既開依府大泄欲風之不入其可得乎夫氣虛而不能接續以致猝倒奄忽而不知人本是風懿之病未嘗內有風也世人不察必欲以中風治之悞矣方用六君子湯治之人參五錢白朮一兩甘草一錢茯苓三錢半夏三錢陳皮一錢水煎服一劑而即能知人二劑全愈蓋不治風而反奏功也

此症用續氣

湯亦效

白朮五錢人參白朮各三錢甘草一錢枳殼三分砂仁一粒水煎服

有一時猝倒狀似中風自汗不止懶於語言人亦以為中風也誰知亦是氣虛乎夫猝倒已似中風更加自汗此虛極之症乃亡陽而非中於風也亡陽之症必須參附以回陽始有生機倘以為中風而用風藥有立亡而已矣方用人參芪歸附湯救之人參一兩黃芪二兩附子三錢當歸一兩水煎服一劑而自汗止再劑而言語出四劑而神氣復矣或曰猝倒之後既無五絕之虞不過自汗多與言語懶耳似乎可以緩治何必藥品之多如此不知此症看其似輕而實重看其似緩而實急天下初病易於圖功而久病難於着力況亡陽之症元氣初脫有根易於重活而無根難於再續故必乘此將亡未亡之時以大補其氣血實省後日無數之挽回也苟畏藥品之多因循退縮坐失機宜而不敢多用參芪迨至日後百劑而不能見效矣

此症亦可用

龜蠲神膏

人參黃芪各一兩麥冬五錢北五味蜀漆各一錢肉桂二錢壯蠲龜膏各三錢水煎服

有人身未猝倒而右手不仁言語蹇澀口中流沫人以為半肢風也然而非外來有風乃本氣自病所謂中氣之病也夫氣何以曰中因其似乎中風而又非中風故別其名曰中氣其實乃氣虛而非氣中因其氣虛故不主於左而中於右蓋人身左屬血而右屬氣也惟女子則右為血而左為氣今所言之病乃男子耳男子既右手之不仁非氣虛而何既是氣虛可不急補其氣乎一補氣而右手之不仁隨補而隨效也方用至仁丹人參一兩白朮一兩黃芪一兩茯苓三錢半夏三錢肉桂二錢薏仁三錢甘草一錢水煎服而語言清再

服而涎沫止十服而不仁者愈矣此補氣之妙也或疑既是氣虛補氣可矣何以必多加消痰之藥豈氣旺而不能攝水氣感而不能化水耶至加肉桂以助火不更多事乎不知氣虛者未有不脾胃寒也脾胃既寒難以運化水穀不變精而變痰矣故氣虛者痰盛痰即欺氣之虛而作祟上述心而旁及於手足故身欲仆而手不仁口吐涎沫耳乃用參芪以補氣復用苓朮以健土治濕則痰無可藏之經更加半夏薏仁以逐其已成之痰則未成痰涎又安能再化哉猶恐脾胃久寒一時難以建功增入肉桂以補其命門之火則火自生土土旺而氣自鬱蒸氣有根蒂臟腑無非生氣而經絡皮肉何至有不通之患哉

此症亦可用固

氣收涎湯

人參一兩白茯苓遠志山藥各三錢半夏二錢
麥冬炒藥仁巴戟天各五錢附子三分水煎服

有人身未顛仆左手半邊不仁語言蹇澀口角流涎人亦以為半肢風也然而此非風也乃血虛之故血不能養筋脉有似乎中耳夫中氣病速而易於奏功中血病緩而難於取效蓋中氣陽症中血陰症陽速而陰遲耳方用生血起廢湯歲經二兩熟地一兩山茱萸四錢當歸一兩茯苓五錢白芥子五錢水煎服一劑而語言清十劑而涎沫止三十劑而不仁者愈矣愈後前方中加人參三錢黃芪五錢減當歸五錢再服二十劑一如無病人矣或疑歲經之藥過於中和不若用四物湯之流動雖白芥子能消膜膈之痰然用至五錢未免過多起首口角流涎自宜多用至於後來似可稍減何以始終用至五錢耶不知血病多痰消痰始能補血況中血之病血虛之極膜膈之間無非痰也非多用白芥子斷不能消白芥子消痰而不耗氣且能助補血之藥以生血故始終之所必需但其力少薄不比半夏貝母之力厚是以必宜多用而不可少用也四物湯雖是補血之聖藥而白芍非中血之宜川芎亦過於動故特用歲經者以歲經生血而又能起廢同熟地當歸用之尤善建功實勝於四物湯耳且歲經之藥暫用則難於取勝久用則易於建績以之治緩病實有相宜況多用至二兩其力更厚用之為君主之藥又相佐得宜故始終任之而攸利也

此症用益陰生

血湯亦佳

火世火
中世人
實多

陰虛
中前人
實無治
法得遠
公之論
真補天
妙手也

熟地一兩 茱萸白朮白芍麥冬各五錢 人參三錢 白芥子三錢 五味子五分 水煎服

有人頭面腫痛口渴心煩一旦猝中手足抽搐言語不出口眼喎斜人以為中風也誰知是中火也夫火生於木之中火藉風之力似乎中火即中風也人謂不解其風則火從何而息嗟乎中火而祛風非所以治火也火所最惡者水也祛風以息火則火之焰少戢而火之根未除滋水以救火則火之光自消而火之性盡滅是祛風以治火不若滋水以治火也況中火之症內實無風用祛風之藥則毛竅盡開反足以通火之路火之路開而風反得入之矣火得風之威風恃火之勢本非中風欲不變為風症而不可得矣治法貴乎補水而不必用祛風之藥也方用滅火湯玄參三兩沙參二兩白芥子三錢茯苓一兩熟地一兩山茱萸五錢麥冬五錢北五味一錢水煎服一劑而心煩定二劑而口渴除三劑而語言清四劑而喎斜正十劑而手足不抽搐矣蓋玄參能消浮遊之火況益之熟地沙參茱萸麥冬五味之類純是補水添精之味自能水足而火衰何必用風藥以搜風哉倘於補水之中少加風藥則於補水添精反多牽制而不能奏功矣或曰不用風藥是矣獨不可用涼藥以解氣乎不知此火乃虛火而非實火也實火可用寒涼以直治而虛火斷不可用寒涼以增其怒也況玄參微寒未嘗不於補中以瀉火何必更用寒涼哉

此症用二冬二皮湯亦妙
麥冬天冬地骨皮丹皮各二兩水煎服

有人一時猝中手足抽搐口眼喎斜然神思則清言語如故人以為陽虛中風也而孰知不然夫陽虛猝倒未有不神昏者也今猝倒而心中明了狀似陽虛而非陽虛此乃陰虛之中耳夫陰虛非血虛之謂蓋真陰之虛腎水乾枯不能上滋於心故痰來侵心一時迷亂而猝中風痰氣既散而心之清如故也作中風治非其治也即作中氣治亦非治法惟有真補其腎中之陰則精足而腎自交於心而心之液自流行於各臟腑而諸症自痊也方用填陰湯熟地四兩山茱萸二兩北五味三錢麥冬一兩山藥一兩白芥子五錢破故紙一錢牛膝三錢附子一分水煎服一劑而抽搐除再劑而口眼正一連十劑而平復如常矣夫熟地山茱萸山藥實填精之聖藥而麥冬北五味又益肺之仙丹蓋真補腎水恐水不能連生故又補其肺使肺金以生腎水

服搜風
之樂適
所樂人
風前招
亦有言
之者

風虛風
宜輕而
以補

子母相資更易滋潤也又慮陰不下降用破故牛膝下行以安於腎宮則濁陰不致上干而真陰自然既濟矣復加附子一分者以陰藥太多未免過於膩滯少加附子以行其真陰之氣非假之以助其火也水得火之氣則水尤易生毋怪其奏功之奇矣

此症用清膏

熟地各二兩北五味三錢
艾葉已戟天羌活各一兩水煎服

有人平居無恙只覺手足麻木尚無口眼喎斜等症人以為風中於內三年後必有暈仆之症矣勸人預服搜風順氣等藥以防猝中其論則是而所用之方非也手足麻木乃氣之虛非氣之不順也即氣之不順非風之作祟也人苟中風其來甚暴豈待至三年之後而始發哉然而氣虛能使手足麻者何故蓋氣一虛即不能化痰痰聚於胸中而氣即不能通於手足也治法於補氣之中而佐以消痰之味則得之矣方用釋麻湯人參一錢當歸三錢黃芪三錢茯苓三錢半夏一錢白芥子一錢陳皮一錢白朮三錢甘草五分附子一分柴胡八分水煎服一連四劑而手足自然不麻木矣倘仍然麻木前方加倍再服四劑未有不愈者蓋麻木於手足此四餘之輕病原不必重治之也今人因不知症所以取效之緩遂疑為重症於是風藥亂投反致變輕為重矣苟如是虛而非風一治虛而風象滅矣何難之有

此症用清膏

人參按神各三錢白朮黃芪
各五錢附子二分水煎服

有人遍身麻木而身又不顫仆狀似中風然而風則有之而非中也此等之病不可不治風而又不可直治風也不治風則風不能出於軀壳之外直治風則損傷氣血風又欺氣血之虛反客為主而不肯去必須於補氣補血之中而佐之祛風祛痰之品則氣血不傷而風又易散也方用解縛湯黃芪一兩當歸五錢人參五錢附子一錢白芍五錢薏仁一兩白朮五錢熟地五錢天花粉三錢秦艽三錢羌活一錢水煎服一連四劑身知痛癢矣十劑全愈同一麻木之症何以上條用藥之少而此條用藥之多且重耶蓋上條麻木止在手

足尚無風之入體也此條麻木在於遍身是風乘虛而入腑矣原不可同日而語也故上條可以輕治而此條非重治斷難奏效耳

此症用順氣和

血湯亦大佳

當歸三錢白木五錢黃芪五錢人參二錢附子一錢天麻南星羌活獨活各五分半夏一錢水煎服

有人天稟甚厚又素好燒酒一時怒氣相激致成口眼喎斜有似中風而未嘗身仆且善飲食其脉洪大有力此非風中乃火盛而肝傷也此等之症在西北人甚多而南人甚少然而治法又不可徒洩火而不養肝血也方用酒蒸大黃二錢柴胡一錢白芍一兩當歸一兩白芥子二錢炒梔子二錢水煎服方名解焚湯用大黃以瀉其大酒之毒用梔子以洩其肝木之火用二味祛除未免過於迅利復用芍藥當歸以大補其肝血蓋血足而火自息也加柴胡白芥子以舒其肝葉之氣而消其膜膈之痰痰消而肝氣益舒肝氣舒而風象自去倘誤以為中風也而妄加入麻黃羌活等藥愈祛風而愈動其火矣或不去滋肝而反去補氣則陽旺而氣盛轉來助大肝中血燥益足以增添怒氣勢必火亢自焚而成猝中之症矣

此症亦可用

實氣湯

柴胡烏藥秦艽甘草酒蒸大黃各一錢白芍一兩茯苓三錢當歸三錢天麻防風各三分天竺粉二錢水煎服

有人猝中之後手足流注疼痛久之則麻痺不仁難以屈伸人以為中風之傷以致風濕相搏關節不利也而不知不然此症實因先有水濕人不知治元虛之衰而反去祛風利濕以成似中風之症也既因虛而成濕又因濕而致中不去治元氣之虛尚可治風濕之旺乎然而風濕既已搏結於一身但去補氣而不去祛風利濕亦非救悞之道也今用兩利湯白木五錢茯苓五錢薏仁一兩人參一錢甘草五分白芍一兩當歸一錢肉桂三分防風五分半夏一錢水煎服連服四劑而疼痛止再服十劑而麻痺愈再服十劑而屈伸盡利矣方中補多於攻用防風以散風而不用澤瀉豬苓以利水蓋因虛而成風濕既祛其風何可復瀉其水况方中白木薏仁未嘗非利水之藥也於補水之中以行其利水之法則水易流而無阻滯之虞水濕既去而

風濕相
搏最難
治最難
利湯實

痺症最難治得
其要正
信然也

胃健而風寒濕
侵不補
胃而三
也

風難獨留故少用防風以表邪而孤子之風邪無水艱於作浪不必多用風藥而風無不除也

此症用至仁湯

亦能收功

白木黃芩白芍天花粉各三錢茯苓五錢車前子一錢
防風五分甘草五分肉桂三分益智仁五分水煎服

痺證門

人有兩足牽連作痛腹又微澹人不能寐卧倒足縮而不能伸伸則愈痛者人以為寒濕之成痺也誰知是風寒濕同結於大腸乎夫風入大腸日大便秘邪似易下即有濕氣亦可同散何以固結於中而痛形於兩足耶不知寒邪入腹而留於大腸又得風濕相搏每不肯遽散因成為痺耳治法必去此風寒濕三氣之邪使不留於大腸而痺病可愈然而徒治大腸之邪而風寒濕轉難去也又宜益大腸之氣令氣旺於腸中而轉輸倍速則風寒濕亦易祛矣方用逐痺丹人參一錢茯苓五錢肉桂三分升麻五分甘草一錢薏仁一兩神麴五分白朮五錢水煎服一劑而濕去二劑而風寒亦散也此方治濕為多而治風治寒反輕者蓋水濕最難分消治其難而易者更易況治濕之中不傷元氣則大腸自有傳化之妙力能使風寒隨濕而同解也

此症亦可用薏

仁茯苓白朮各五錢薏仁一兩肉桂三分炒荊芥二錢水煎服

人有嘔吐不甯胸膈飽悶吞酸作痛因而兩足亦痛者人以為胃口之寒也誰知是風寒濕結於胃而成痺乎夫胃喜熱而不喜寒胃口一寒邪氣因之相犯風入於胃而不散濕停於胃而不行三者相合而痺症乃成治法祛三者之邪而仍在調其胃氣胃氣健而風寒濕不攻自解也方用六君子湯加減治之人參三錢白朮五錢生薑五片陳皮五分甘草五分肉桂五分荊芥三錢茯苓三錢半夏一錢水煎服一劑輕二劑又輕三劑更輕連服十劑而飽悶酸痛之證盡去此方開胃而又善分消加之生薑荊芥尤善祛散風寒以離散

黨羽故奏功特神也

此症亦可用溫胃清濕丹

人參黃芪按神巴戟天各三錢遠志一錢肉桂三分肉豆蔻一枚益智仁甘草附風各五分水煎服

人有心下畏寒作痛惕惕善驚癩於飲食以手按之如有水聲嚕咽人以為水停心下也誰知是風寒濕結於心包絡乎夫水邪犯心則痛風邪乘心則痛寒邪入心則痛是邪無論風寒濕均能成病重則未有不死者今止畏寒作痛而不致有死亡者正心包以障心也然心包既無障心獨當其鋒安得而不痛乎治法自當急祛風寒濕三者之邪使之毋犯心包而心君相安何致心下之痛哉雖然徒祛風寒濕之邪而不補心包之氣則心包太弱而外援之師亦多相欺反成覆亡之禍故必補心包而兼治風寒濕也方用散痺湯已戟天五錢白朮五錢兔絲子三錢炒素仁三錢遠志八分山藥五錢蓮子五錢茯苓三錢甘草三分柴胡一錢半夏一錢水煎服一劑而驚止二劑而胃氣開三劑而水聲息十劑而心下之痛安然也此方之藥似乎單治心也然而心包為心之相臣治心正所以治心包耳譬如君主清明而相臣供職惟謹自能安反側於頃刻也

此症可用巴

人參白朮茯苓神巴戟天車前子各三錢山藥一兩半夏肉桂各一錢水煎服

人有小便艱澀道瀦如淋而下身生疼時而升上有如疝氣人以為疝或以為淋而不知非也蓋風寒濕入於小腸之閒而成痺耳夫小腸主泄水者也水入小腸何邪不去乃縮住而不流蓋寒與風作祟也治法必須散小腸之風寒而濕氣不難去也然而治小腸必宜治膀胱之為得膀胱利而小腸無不利也雖膀胱亦有痺症而與小腸之痺正無差別故治小腸之痺必當以治膀胱者治之耳方用攻痺散車前子三錢茯苓三錢薏仁一兩肉桂五分木通二錢白朮五錢王不留行一錢水煎服一連數劑而似淋者不淋似疝者不疝再服數劑而痛如失也此方利濕而又不耗氣祛寒而風自散所以為佳何用逐風之品以損傷臟腑哉

此症可用

白朮一兩茯苓三錢肉桂一錢柴胡一錢劉寄奴二錢水煎服

人有一身上下盡行作痛有時而止痰氣不清欲嗽不能咽喉氣悶胸膈飽脹二便艱澀人以為肺氣之不行也誰知是風寒濕之犯於三焦乎夫三焦主氣而流通於上中下之間者氣也風寒濕感一邪而氣即不能宣矣況三邪搏結安能自舒乎母怪清濁二道舉皆閉塞因而作痛也治法不急祛風寒濕三者之邪則三焦何以流通哉然三焦不可輕治也治三焦必宜治腎腎氣旺而下焦之氣始通更宜治肺肺氣肅而上焦之氣始降尤宜治脾胃胃健而中焦之氣始化理肺腎脾胃之氣而益之散邪之藥則三焦得令而風寒濕不難去也方用理本湯人參一錢白朮五錢麥冬三錢山藥五錢芡實五錢巴戟天三錢肉桂一錢桔梗五分貝母五分白芥子二錢防己三分茯苓三錢薏苡草一錢水煎服四劑而上中下之氣乃通一身之病盡解再用四劑諸症全愈此方全去扶肺腎脾胃之氣而輕於祛風寒濕者正所以理其本也理本而攻標在其內矣况原未嘗無蕩邪之藥乎故能建功若是之神也

此症亦可用防

白朮 茯苓 防風 各五錢 巴戟天 三錢 肉桂 一錢 桂枝 八分 天花粉 黃芩 各二錢 水煎服

人有胸背手足腰脊牽連疼痛不定或來或去至頭重不可舉痰唾稠粘口角流涎臥則喉中有聲人以為此痺症也宜用控涎丹治之而不知非也夫痺雖合風寒濕三氣之邪以成然而人之氣血不虛則風寒濕何從而入風寒濕之入乃乘氣血之虛而侵之也烏可徒治其邪而不補其正乎控涎丹用甘遂大戟以祛邪而無補氣補血之藥往往用之以治痺而不能收功反致敗績者坐此弊也法宜補正而助以祛邪則百戰而百勝矣方名補正逐邪湯白朮五錢薏仁五錢人參一錢桂枝三分茯苓一兩白芥子三錢水煎服二劑輕劑愈白朮薏仁人參茯苓皆健脾補氣之藥又利水去濕之劑也雖曰風寒濕合而成痺其內最多者濕也濕在經絡腸胃之間最難分化逐其濕而風寒正不必治而自散所以止佐桂枝數分而已足也惟是既用參朮薏仁以健土而利濕尚何慮痰哉然而風寒濕之邪每藉痰為輿援故治痺者必治痰今用白芥子膜膈之中痰且盡消其餘各處之痰有不盡消者乎痰消而風寒濕無可藏之藪欲聚而作亂已不可得